



**KABINET PREDSEDNIKA I POTPREDSJEDNIKA**

Broj: 01-4-01-4-1260/21

Sarajevo, 06.12.2021.godine

**BOSNA I HERCEGOVINA**

**VIJEĆE MINISTARA**

N/r g-din Zoran Tegeltija, predsjedavajući

**MINISTARSTVO KOMUNIKACIJA I TRANSPORTA BiH**

N/r g-din Vojin Mitrović, ministar

**PREDMET:** Mišljenje na Nacrt Odluke o dopuni tarife administrativnih taksi – *dostavlja se*

Poštovani,

Informiramo Vas da smo uvidom u objavu predmetnog nacrtu Odluke na web stranici e-konsultacije, proveli proceduru pribavljanja prijedloga i sugestija od članova Udruženja međunarodnih cestovnih prijevoznika tereta i Udruženja prijevoznika u međunarodnom i međuentitetskom cestovnom prijevozu putnika Vanjskotrgovinske komore Bosne i Hercegovine, te izvršili uvide u zaključke sa sastanka predstavnika Vanjskotrgovinske komore Bosne i Hercegovine, predstavnika Privredne komore Republike Srpske, Privredne komore Federacije Bosne i Hercegovine i predstavnika Privredne komore Brčko distrikta Bosne i Hercegovine, kao i dopise koje smo upućivali Ministarstvu po ovim pitanjima (akt VTK br:01-4-03-3-1433/20 od 19.11.2020.godine i akt VTK br:01-4-01-4-1353-2/19 od 08.10.2019.godine).

U navedenom aktu br:01-4-01-4-1353-2/19 od 08.10.2019.godine, iznesen je stav, a tim povodom i upućena inicijativa za izmjenu Pravilnika o homologaciji vozila, dijelova, uređaja i opreme vozila (Službeni glasnik BiH broj: 41/08), te izmjenu Cjenovnika usluga u postupku homologacije (Službeni glasnik BiH broj: 89/2010) zbog neophodnog smanjenja naknada predviđenih ovim Cjenovnikom.

Bez uvažavanja predloženog, Ministarstvo je donijelo novi Pravilnik o homologaciji vozila (Službeni glasnik BiH broj: 83/2020), te stavilo van snage dotadašnji Pravilnik o homologaciji vozila, dijelova, uređaja i opreme vozila (Službeni glasnik BiH broj: 41/08), na osnovu kojeg je donesen Cjenovnik usluga u postupku homologacije (Službeni glasnik BiH br: 89/2010). Novi Cjenovnik usluga u postupku homologacije nije donesen, a u nacrtu Odluke o dopuni tarife administrativnih taksi, predviđeni su iznosi taksi u istom iznosu za radnje u postupku homologacije, za koje su Cjenovnikom već predviđene naknade.

Zbog pravne nesigurnosti koja je nastala stavljanjem van snage prethodnog Pravilnika bez definiranja statusa Cjenovnika koji je bio donesen upravo na osnovu tog Pravilnika i činjenice da se nacrtom Odluke o dopuni tarife administrativnih taksi uvodi administrativna taksa za identične radnje u postupku homologacije za koje je Cjenovnikom već propisana naknada, kao i zbog činjenice da nisu uvaženi zahtjevi za smanjenje naknada u postupku homologacije vozila, Mišljenje Vanjskotrgovinske komore Bosne i Hercegovine i na objavljeni Nacrt Odluke o dopuni tarife administrativnih taksi je **negativno**.





Vanjskotrgovinska komora Bosne i Hercegovine je provela niz aktivnosti u cilju izrade prijedloga harmonizacije naknada i taksi koje se plaćaju za vozila. U proteklom periodu održana su četiri zajednička sastanka sa nadležnim službama entitetskih komora i Komore Brčko Distrikta Bosne i Hercegovine i na posljednjem održanom sastanku utvrđen je prijedlog o promjeni godišnjih naknada i taksi koje se plaćaju za vozila (klasifikacija vozila kategorije M, N i O) i ta promjena se odnosi na Naknade u postupku homologacije na način da:

Naknade u postupku homologacije, koje su trenutno propisane Cjenovnikom usluga u postupku homologacije ("Službeni glasnik BiH", broj 89/10), a u nacrtu Odluke ministarstva predviđeni su iznosi taksi u istom iznosu za radnje u postupku homologacije, predlažemo da se takse umanje za:

- Naknada za izdavanje potvrde proizvođača - potrebno je umanjiti za 50%,
- Naknada za izdavanje potvrde proizvođača - potrebno je umanjiti za 50%,
- Naknada za izdavanje potvrde o usklađenosti - potrebno je umanjiti za 50%,

Dakle, smatramo da je **nužno** istovremeno utvrditi prijedlog Cjenovnika usluga u postupku homologacije u značajno manjim iznosima od postojećih i prijedlog Odluke o administrativnim taksama, također u manjem iznosu, uz eliminiranje ranijih naknada za radnje u postupku homologacije za koje se uvode takse.

Koristimo priliku podsjetiti Vas na član 7. Zakona o Vanjskotrgovinskoj komori Bosne i Hercegovine (Službeni glasnik BiH br: 30/01 i 72/13), kojim ste bili u obavezi dostaviti Komori na mišljenje predmetni akt, a što u slučaju Nacrta Odluke o dopuni tarife administrativnih taksi nije ispoštovano.

Očekujući puno razumijevanje i uvažavanje Mišljenja Vanjskotrgovinske komore Bosne i Hercegovine, unaprijed Vam zahvaljujem i srdačno Vas pozdravljam.

S poštovanjem,



**Prilog:**

- Akt Vanjskotrgovinske komore Bosne i Hercegovine, br:01-4-03-3-1433/20 od 19.11.2020.g.,
- Akt Vanjskotrgovinske komore Bosne i Hercegovine, br:01-4-01-4-1353-2/19 od 08.10.2019.g.

**Dostavljeno:**

- Naslovu
- a/a

